

Na osnovu člana 32. Zakona o ustanovama (Službeni list RBiH broj 6/92, 8/93, 13/94), člana 29. Pravila Javne ustanove Terapijske zajednice-Kampus Kantona Sarajevo, direktor podnosi slijedeći:

IZVJEŠTAJ O RADU DIREKTORA

Javne ustanove Terapijske zajednice - Kampus Kantona Sarajevo za period 02.10.2020. godine do 31.12.2020. godine

U skladu sa ovlaštenjima i odgovornostima utvrđenim u Zakonu o ustanovama (Službeni list BIH broj: 6/92, 8/93 i 13/94) članom 29. Pravila JU Terapijska zajednica – Kampus Kantona (u daljem tekstu: Kampus) u periodu od 02.10. do 31.12.2020. godine, direktor je obavljao slijedeće poslove i zadatke:

- organizovao i rukovodio radom Kampusu,
- zastupao i predstavljao Kampus prema trećim licima,
- predlagao Upravnom odboru mjere za efikasno i zakonito obavljanje djelatnosti radi koje je Kampus osnovan,
- predlagalo Upravnom odboru opšte akte Kampusu,
- predlagalo Upravnom odboru godišnje programe rada, planove rada i razvoja,
- izvršavao odluke Upravnog odbora,
- odlučivao o pravima, obavezama i odgovornostima zaposlenika iz radnog odnosa,
- podnosio Upravnom odboru Izvještaj o radu Kampusu,
- vršio i druge poslove u skladu sa Zakonom i Pravilima Ustanove.

Dana 02.10.2020. godine Općinski sud u Sarajevu je donio Rješenje o izmjenama podataka broj: 065-0-Reg-20-00325/20 na osnovu Odluke Upravnog odbora Javne ustanove Terapijske zajednice Kampus Kantona Srajevo broj: 35-01-02-1325/20 od 07.09.2020. god. o imenovanju Haseta Tirića za direktora JU Terapijska zajednica Kampus Kantona Sarajevo.

U ime Javne ustanove Terapijske zajednice - Kampus Kantona Srajevo, direktor je zastupao i predstavljao Kampus, zaključivao sve ugovore i vršio druge pravne radnje, te zastupala Kampus pred institucijama zakonodavne i izvršne vlasti, kao i pred drugim ustanovama, udruženjima, općinskim i kantonalnim organima, humanitarnim organizacijama i pojedincima.

U skladu sa članom 39. Pravila JU Terapijska zajednica – Kampus Kantona, direktor Kampusu, kao organ rukovođenja i organizovanja radom Ustanove, je rukovodio radom Kampusu koji u svom sastavu ima 5 (pet) organizacionih jedinica - službi. U navedenim službama u 2020. godini poslove i radne zadatke je izvršavalo ukupno 59 radnika na neodređeno vrijeme, 6 radnika na određeno vrijeme primljenih putem programa zapošljavanja preko Službe za zapošljavanje Kantona Sarajevo.

Rad sa Upravnim i Nadzornim odborom u Kampusu

U funkciji organa rukovođenja ustanove direktor je prisustvovao sjednicama Upravnog odbora Kampusu, na kojima je redovno podnosio periodične izvještaje o radu i informacije o planiranim aktivnostima za naredni period.

Na taj način Upravni odbor je upoznat sa aktivnostima i sadržajem rada direktora i značajnijih dešavanja u Kampusu.

Akti koji su usvojeni u navedenom periodu mandata za 2020. godinu:

- Formirana komisija za donošenje i usklađivanje internih akata sa važećim zakonskim i podzakonskim aktima,
- Interna preraspodjela finansijskih sredstava u Budžetu za 2020. godinu,
- Izvještaj o izvršenju budžeta i tromjesečnog izvještaja za treći kvartal u 2020. godini,
- Treća izmjena Plana javnih nabavki,
- Četvrta izmjena Plana javnih nabavki.

Podneseni su periodični tromjesečni izvještaji o izvršenju finansijskog plana Ustanove i dostavljeni nadležnim organima na dalju proceduru u zakonom predviđenim rokovima.

Kontinuirano je vršeno praćenje, usmjeravanje i kontrola izvršenja radnih zadataka zaposlenika kroz mjesečne operativne planove rada po izvršiocima, te mjesečne izvještaje o radu uposlenika i službi Kampusu.

Sve aktivnosti navedene u Izvještaju o radu sa izvještajem o finansijskom Kampusu za 2020. godinu su provedene u organizaciji organa rukovođenja, neposrednim vršenjem određenih aktivnosti ili organizovanjem, rukovođenjem, praćenjem, usmjeravanjem, kontrolisanjem, predstavljanjem i izvještavanjem o pojedinačnim aktivnostima u skladu sa Zakonom i unutrašnjim aktima Ustanove.

Od dana usvajanja Plana javnih nabavki do imenovanja do kraja godine provedeno je ukupno 127 postupaka javnih nabavki. Od dana imenovanja do 31.12.2020. godine realizovano je ukupno 46 postupaka.

Nisam prisustvovao na sjednicama Nadzornog odbora jer isti nije konstituiran od kada je Rješenjem Vlade Kantona Sarajevo broj: 02-04-19851-18.2/20 od 11.06.2020. godine za v.d. predsjednika i v.d. članove Nadzornog odbora JU Terapijska zajednica-Kampus Kantona Sarajevo imenovani su:

1. Almir Isović, v.d. predsjednik
2. Julija Popović-Lojo, v.d. članica
3. Izet Crnovršanin, v.d. član (iz reda stručnih radnika zaposlenih u Ustanovi)

U periodu obavljanja dužnosti direktora Kampusa od 02.10.2020. godine do 31.12.2020. godine nije bilo izvršenih nadzora od inspekcije.

Suradnja sa drugim institucijama

Kampus je uspostavio saradnju sa fakultetima društvenih nauka, te omogućio njihovim studentima da realizuju praksu i da stiču stručna znanja iz oblasti tretmana ovisnika psihoaktivnim supstancama.

09.10.2020. godine potpisan je Sporazum o saradnji sa Fakultetom političkih nauka Sarajevo – odsjek Socijalni rad koji, između ostalog, tretira ovu oblast. Studenti se na početku obavljanja prakse upoznaju sa strukturom, organizacijom i programom rada Kampusa, te stječu određena teoretska i praktična znanja o principima tretmana koja će im pomoći pri praktičnom radu sa korisnicima uz mentorstvo socijalnog radnika ili psihologa. tokom 2020.godine u Kampusu nisu obavljane studentske prakse.

Kampus je aktivno učestvovao u programima zapošljavanja JU Služba za zapošljavanje Kantona Sarajevo i Federalni zavod za zapošljavanje i ova saradnja je planirana i u budućnosti.

Nastavljena je saradnja sa kulturnim i sportskim ustanovama ali zbog pandemije virusa COVID-19, nismo bili u mogućnosti u punim kapacitetima izvršiti sve dogovorene planove.

Obezbjeđivanje dodatnih finansijskih sredstava iz Budžeta za 2020. godinu

S obzirom da smo bili u mogućnosti da dobijemo dodatne finansije za nabavku stalnih sredstava u 2020. godini upućen je zahtjev resornom Ministarstvu za nabavku slijedećih stalnih sredstava u iznosu od 81.400,00 KM.

Od navedenih sredstava dio je otišao na nabavku novih kreveta, madraca, nabavku posteljina i peškira, nabavku lijekova i testova, hrane za korisnike, materijal za održavanje zgrade, vodo i elektro materijal, građevinski materijal, usluge za održavanje pumpne stanice, održavanje hidranta i pp aparata, kancelarijska oprema, usluge čišćenja i osržavanja prilaznog puta u zimskoj sezoni i dr.

U ustanovi je neophodno izvršiti usklađivanje postojećih pravilnika sa zakonom kao i izraditi novi Pravilnik o radu sa unutrašnjom sistematizacijom i organizacijom.

Rekapitulacija broja korisnika

Za period od 02.10.2020. godine do 31.12.2020. godine u Kampus je primljeno 8 novih korisnika u tretman.

Programski zadaci iz prethodne godine su realizirani, ali u skladu sa odobrenim budžetskim sredstvima. U periodu od 01.01.2020 do 31.12.2020. godine u Kampusu ukupan broj osoba prijavljenih za tretman je 48 korisnika, ovisnika o psihoaktivnim supstancama. Program tretmana korisnika je usklađen sa korisnikovim individualnim potrebama, interesima i sklonostima. Ukupan broj korisnika u Kampusu kojima je pružena usluga u svim djelatnostima rada u 2020.godini je 85. Ukupan broj korisnika koji su smješteni u rezidencijalni tretman kojima je pružena usluga je 51. Ukupan zbirni broj korisnika koji su boravili u Kampusu u Programu podrške-reintegracije i savjetovanja kojima je pružena usluga je 34. Ukupan zbirni broj korisnika koji su boravili u Kampusu na osnovu izvršenja alternativne krivične sankcije rad za opšte dobro na slobodi kojima je pružena usluga je 38.

Problemi u radu

Jedan od problema s kojima se Ustanova suočava od početka jeste nepostojanje adekvatnog i namjenskog prostora za rad, jer su objekti izgrađeni kao kuće za stanovanje.

U oba objekta je postojao samo jedan prostor namjenski uređen za vođenje grupa i individualnih razgovora iako su stručni saradnici insistirali da se obezbjedi dodatni prostor kako bi se u isto vrijeme moglo terapijski raditi sa više korisnika.

Uz sve gore navedeno jako je teško bilo urediti prostor, kao i sprovoditi terapije, i sam rad u Ustanovi zbog pandemije virusa COVID-19, a sve kako bi se ispoštovale mjere izrečene od kriznih štabova.

Objekti namjenjeni za smještaj korisnika smješteni u šumi udaljeni cca. nekih 2 kilometra makadamskim putem od glavne saobraćajnice i prve autobuske stanice, te je jako teško organizovati dolazak i odlazak na posao radnicima u ovoj Ustanovi.

Kako su objekti primarno napravljeni za boravak korisnika u tretmanu, sama infrastruktura objekta nije namjenjena za rad administracije jer za to ne postoje adekvatni uslovi.

Ono što moramo napomenuti da je Ustanova od samog osnivanja uvijek imala odvojene kancelarije od objekata u kojima su smješteni korisnici, i u tim kancelarijama je boravilo oko 20 radnika gdje je bila smještena administracija, kao i arhiva Kampusu.

Bivši menadžment ustanove je iz nekog njima poznatog razloga i bez posebnog obrazloženja donio odluku da administraciju prebaci u objekte u kojima borave korisnici.

Do problema u funkcionisanju dolazi iz razloga što se većina spavaona za korisnike kao i prostora gdje bi trebali boraviti i imati komociju pretvorilo u kancelarijski prostor, pri tome ne vodeći računa da se ispoštuje Zakon o kancelarijskom poslovanju, kao i Zakon o zaštiti na radu, jer prostor nije adekvatan niti namjenjen u ovu svrhu.

Napominjemo samo slijedeće probleme sa kojima se susrećemo:

- uzurpiran prostor za boravak korisnika, smanjen broj korisnika iz razloga zauzetosti spavaonica,
- ugrožena privatnost korisnika kao i radnika,
- smanjena efiksnost u radu iz razloga što u jednoj sobi korisnici spavaju dok se u isto vrijeme u sobi pored vodi individualna ili grupna terapija,
- broj ljudi u pojedinim kancelarijama je 9 i više, gdje se ne ispunjavaju zakonski predviđene norme za broj radnika po m²,
- infrastruktura objekata nije adekvatna niti namjenjena za kancelarijski rad,
- preopterećenost elektroinstalacija i mogućnost izazivanja požara,
- nemogućnost arhiviranja dokumentacije,
- nemogućnost odvajanja službi, obavljanja sastanaka, provođenja individualne ili grupne terapije sa korisnicima,
- otežana komunikacija sa drugim institucijama, jer u većini slučajeva moramo radnike da šaljemo privatnim vozilima kako bi dostavljali dokumente i akte na protokol u Kanton Sarajevo, Centrima za socijalni rad i drugim institucijama,
- prijem pošte, jer radnike šaljemo također po poštu koja je udaljena preko 3 km od Ustanove,
- preopterećenost interneta, i dolazak do stalnog iskakanja i sagorjevanja uređaja, jer smo izloženi čestim udarima groma iz razloga jer je Ustanova smještena u šumi,
- ugroženost radnika po njihovo zdravlje jer ne postoje adekvatni uslovi da se ispoštuju izrečene mjere za zaštiti od pandemije COVID-19 virusa, jer je nemoguće obezbjediti po minimum od 2 metra razmaka između radnika, i mnogi drugi problemi.

Po pitanju objekata izveden je i sudski vještak građevinske struke koji je uradio nalaze zatečenog stanja u Ustanovi kao i nalaz za sanaciju objekata. Oba objekta su zapuštena i potrebna je adaptacija kupaonica, vanjskog uređenja iz razloga što odvodi koji bi trebali da vode vodu od objekata istu vraćaju u objekte i prilikom veće kiše dolazi do plavljenja postojećih podrumskih prostorija.

Problemi u radu se javljaju i kod korisnika koji dolaze na izvršavanje alternativne krivične sankcije "Rad za opšte dobro na slobodi" kojima je pružena usluga za njih 38 u ovoj godini. Ovi korisnici su većinom ovisnici o psihoaktivnim supstancama koji dolaze u Ustanovu gdje se lijeće ovisnici, te samim tim imamo poteškoće u radu.

Korisnici alternativne sankcije nisu zdravstveno osigurani prilikom dolaska u Kampus. Radnici Kampusu nemaju osnov da ova lica pretresaju, oduzimaju stvari koje se nalaze kod njih, te postoji velika mogućnost unošenja psiho aktivnih supstanci u Ustanovu od strane ovih korisnika.

NAPOMENA: U Kampusu se trenutno vodi istražnja radnja o radu bivšeg menadžmenta, koju provodi Federalno ministarstvo unutrašnjih poslova, a sve po nalogu Tužilaštva Kantona Sarajevo.

Broj: 35-01-01-340/21

Datum: Mart 2021.godine

direktor

